

پازار ایرانی فی ۳۰ ربیع الال سنه ۱۳۲۸ و فی ۲۹ مارت سنه ۱۳۲۶

جمعیت علمیہ اسلامیہ نك ناشر افکاریدر

مدیر مسئول :
مکتب نواب معلمارندن
کاپیسی منبر

سر محرر :
فاتح مجیز درسعالمارندن
توقاد مبعوثی
مصطفی صبری

صاحب امتیاز :
فاتح مجیز درسعالمارندن
استانبول مبعوثی
مصطفی عاصم

مندرجات

وطن محبتی حسین حازم
ادبیات :
مؤذن ع . عاطف
ردی علی مافی النول الجید من الردی مصطفی صبری

مقالات
مجاهدہ روا کوریلین مؤاخذہ فی مدافعه کوچوک حمدی
اسلامدہ عسکرلک ع . عاطف
شدیہ الحمد طاهر المولوی
برقونفرانسدہ ایراد اولنان نطق مصطفی عاصم

نسخہ سی ۱ غر وشددر

آبونه اجرقتی (پوستہ اجرتیله برابردر)

ممالک اجنبیہ ایچون :
۶۰ ، ۱۲ فرانق
« ۶۰ ، ۲۰ »

استانبول وولایات ایچون :
برسنه لکی ۶۰ غروش
القی آیلنی ۳۰ «

درج ایدلمیان اوراق اعاده اولنماز

قارئلمرزه :

اکثر مقالانہ آیات کریمہ و احادیث نبویہ درج ایدلمش بولندینی نظر اعتبارہ آلہرق رعایتسزلکده بولنلاماسی رجا اولنور

درسعادت

طنین مطبعه سنده طبع اولنمشدر

بج شیهة الحمد

ما بعد

حجاز کونشنک ضیای حرارت نثاری : سنکستان
طاغلری . ربکستان چوللری یاقدینی برکونده . مکہ
اھالیسی ایکی وجودی حامل بر دودنک مدینہ یولندن
کلدیکنی کوردیلر . لیکن نکلسین ؟

کچوب کلشدی بیوقفہ منازلدن ، نوادیدن
تھی قالمشدی سمعی صوت غیرت زای حادیدن
قوشوب سحراده سرعتله توزی طوپراغه قاتمشدی
یوزوب چوللرده قوم دریاسنه کویا که باتمشدی
کذارنده اورتبه التزام سرعت ایلردی
بری طائر صانیردی کورسه ، کرچه مرغ بی پردی

بویانی قوملره سوردرجه سنه اوزاتوب قیرلانغیچ
کی سوزوله سوزوله کان بودوه تقرب ایدینجه اوزرندہ کیلردن
برینک سید قریش اولان (مطلب بن عبدمناف) اولدینگی
آکلادیلر . ردیفی بولونان و تاب خورشیدایله وجه نجیبی
نقاب احسارده بورون معصومک کیم اولدینگی بیله میورلردی
مطلبک کولهسی اولماسی ! احتمانه دوشدیلر . شو جمله
احتمالیه بی ایشیدن مطلب . قائللری تکدیر ایش و بو
خدموم اصیلک ، برادری هاشمک نجل نجیلی اولدینگی
سویله مش ایسهده (عبدالمطلب) اقبی انتشار و شیهة الحمد
بولقب ایله اشتهار ایتدی .

مطلب ، قاردهشک اوغلنی اوز اولادی کی تربیه
ایدنک جناب هاشمدن کندیسنه منتقل مناصب و وظائفی
او ، وارث مستحقه ترک ایلک ایسته یوردی .

واقعا هاشمک مکدهد و قوع بولان ازدواجندن (اسد)
نامند [۱] بر اوغلی دها دنیا به کلشسهده جبهه هاشمی
تریزین ایدن نور پیغمبری پیشانی عبدالمطلب زیوری
اولدیندن باباسنک مناصبه قاردهشدن زیاده مستحق
بولونیوردی .

[۱] حضرت علیک والہسی (فاطمہ بنت اسد) ک پدریدر .

حتی بنو نورمیین . قریشیلر اراسندهده مقدس طانیلیر
و خط و غلا وقوعنده عبدالمطاب ایله شیر طاغنه [۲]
حقیقوب اونک نور جینی و یوزی صوی شفیع اتحاد
اولونارق استغانه ایدیلردی .

مغیث المستغیثین اولان جناب رب العالمین ده حیینک نوری
حرمتہ رحمت و برکت انزال بویوروردی .

عبدالمطلب حفید سعیدی کی یتیم اولارق عمجه سنک
حجر حمایه سنده یتیشدی . والد ماجدینک مناصبی درعهده
ایلیه جک . وظائفی ایفایده بیله جک برسنه واصل اولدی .
برادر زاده سنک شبان قریشه رشک آور بر ده لیقانی
اولدینگی مفتخرانه کورن مطلب عهده سنده کی (سقایت)
وظیفه سنی مقدمه مناصب اولمق اوزره کندیسنه تفویض
ایتدی . لیکن وقوع وفاتی و (نوفل بن عبدمناف) ک
هاشمندن مطلبه انتقال ایدن مناصب و منازلی ، حب
ریاست الجاسیله غصبیه قیامی امانتک اهلته و حقک
مستحقنه تودینگی تأخره اوغرا تدی .

عبدالمطلب ، دوچار اولدینگی شو ظلم اوزرینه عمجه سنه
قارشی قومندن نصرت طلب ایتدی . عقلای قوم ،
اتله طیرناق دیمک اولان عمجه ایله یکن آراسنه کیرمک
ایسته مدیلر و لسان مناسبله اعتذار ایله دیلر .

باباسنک قومی طرفندن مایوس اولان عبدالمطلب
اناسی جهنندن استمداده قرار وروب (مدینه ده بنوالنجارده)
خطاباً بر کاغد یازدی و عمجه سی نوفلک حقسز اغنی
دایلرینه شکایت ایتدی . مکتوبک مآلنه واقف اولان
(ابو سعود النجاری) - که عبدالمطلبک دایسی ایدی -
هان سکسان کیشیه برابر یوله چیقدی . مکیه ورو دنده
کندینی بکله یں همشیره زاده سنی قارشیسندہ بولدی .
آرادن اون . اون بش سنه کچمش . یدی سکز یاشنده

[۲] شیرالاذرہ ثناک فتحیه و شیرالخضرا و شیرالنصع نونک
کمریله و شیرالزنج و شیرالاعرج و شیرالاحدب و شیرعینا
ظاهر مکده بر طاغک اسملیردر . قلدوس ترجمه سی

پکن هفته بر قونفرانسنده غزته من صاحب امتیازی

مصطفی عاصم افندینک ایراد ایلدیکی نطفدر

سوکیلی قارداشلم، محترم سامعلم ! بزی شوکیجه
بورایه جمع ایدن وبوسیه ایله برطاقم ارشادات و بیانات
عالیه ایله افکار منری وبالخاصه اسلامیتک و عثمانلیلک
عاجز فقط فداکار، حمیتلی برخادمی اولان بو عبد عاجزک
افکارینی تنویر بیوران عبدالرشید ابراهیم افندی ایله
محترم قارداشمن حاجی عمر (یاماوقا) افندی و انک
بیاناتی ترجمه ایله علاوه مطالعات بیوران مصطفی زهدی
بک افندی به عرض شکران ایلرم .

اناس من جهة التمثال ا کفاء

ابوهم آدم والام حواء

فان یکن لهم فی اصلهم شرف

یفأخرون به فالطین والماء

مالفضل الا لاهل العلم انهم

علی الهدی لمن استهدی ادلاء

قسم اعظمکمر لسان عربی به واقف بولوندیگنر
جهتله نطقمه امام علی (کرم الله وجهه) حضرتلرینه
اسناد اولونان بوایات حکیمانه ایله باشلادم .

انسانلر شکل وصورت جهتله یکدیگریکنک اشلری
ومثاللری در . هپسنک پدری آدم ، والدلری حوادر .
اکر بر اصالت . بر نسب دعواسیه یکدیگرینه تفاخر
ایدنلر ، اقوام وعناصر آره سنده شرحه تقدم آرامق
داعیه لرند بولونانلر واریسه بیلسینلرکه جمله سنک اصلی
طور اقدر . فضیلت ، ارباب کماله ، اهل علم و تقوایه
عأددر . ایشته عبدالرشید افندینک نطقنک خلاصه سی .
ایشته عمرک ، کائناتک خلاصه سی . .

کائنات برنظر دقت ایله مطالعه ایدیلنجه کورولورکه
برچوق عائله لک مجموعی در . برچوق اقسامک مجموعندن
متشکل بر هیئت ، برچوق اجزائک هیئت عمومیه سندن
مرکب برکنته در .

مدینه دن رحلت ایدن شیه الحمد یکر می یکر می بش یاشنده
بردلیقانی اولمش و او قدر و قتلک بارحیات ده ابو سعیدک
قامتی اکوب بلنی براز بو کمش ایه ده یینه بر لرینی طانی دیلر .
مشتاقانه صاریلدیلر ، متحسرانه او پوشدیلر . عبدالمطلب :
— المنزل یا خال ! دیه رک دایسنی اوینه دعوت
ایتدی . ابو سعد ایه :

— لا والله حتی القی نوفلاً . جوابیه نوفلی کورمینجه
عبدالمطلب اوینه کیده میه جکنی مع انقسم بیلدیردی .
عبدالمطلب ، دایسنک بو عزم قطعیسنه قارشنی نوفلک
حرم شریفده (حجر) ده اشراف قریش ایله اوطور مقده
اولدیغنی سویله دی .

ابو سعید معیتنده بر قاج کیشی ایله اورایه کیتدی . فی الواقع
نوفل ، اوراده اوطور و یوردی . ابو سعیدی کورونجه :
— یا ابا سعد ! انعم صباحاً . التفاتیه مضافحه ایچون
النی اوزاندی . فقط ابو سعد :

— لا انعم الله لك صباحاً ! جواب درشتیه . حدتندن
تتره بن النی قیلجنک قبضه سنه کوتوردی و بیت شریفه اشارتله :
— شو بنای معلا حقیچون اکر همشیره زاده مک
— غصب ایتدیکنک — حقوقنی اعاده ایمیه جک اولورسه ک
قفا کی قوپار یرم ! دیه حضارک کوزلرینی قماشدیران سیف
شهامتی چکدی .

نوفل ، صاعقه بلا کی باشنده دولاشان قیلدیجک
قورقوسندن سنی چیقارامادیغنی کی حاضر بولونان قرشیلرده
نوفلک حقمنزلغنی بیلدیگری جهتله مدافعه سیچون شق شفه
ایتمه دیلر . حقک غالبیتی ، ظلمک مغلوبیتی تصویر ایدن
شوحال ، هاشمک عهده سنده کی مناصبک عبدالمطلبه توجیهی
واوراده کی صنادیک استماع وشهادتیه نتیجه پذیر اولدی .

قهرمان ابو سعیده حرکت قرا تپوروردن صوکر
معیتله برابر همشیره زاده سنه اوچ کون مسافر اولارق
بیت مکر می طواف ایله مملکتنه عزیمت ایتدی .

مابعدی وار

ظاهر المرئوی